

Заушение же иерѣйскаго новоплодья по образу Адамова от дрѣва възбраненаго вкуса, вѣкушаетъ зълчь с вкусомь.²⁹⁷ По сему образу чернью²⁹⁸ вседенный пост държати, и от всего въздържанье.

За всесъжагаемый, иже по законѣ, иерѣи агньць, иже по образу Адамовы смерти, пробадається в ребра, и съжагаетъ духомъ святымъ, излитиемъ крѣве и воды: да и ты,²⁹⁹ мнише, пожри свою волю и³⁰⁰ съжьжи грѣхы излитиемъ теплыхъ слъзъ.

Ометъ же есть Адам, его же въземъ Христос на свои рамѣ из ада³⁰¹ на небеса възведе.³⁰² Види, како ти въземлетъ на свой скот възпадыаго в разбойники, его же закон и пророци не могоша³⁰³ ицѣлити. По сему³⁰⁴ образу епископи омофор носятъ на раму и душу свою полагають за порученя имъ люди, възимающе я³⁰⁵ учениемъ от ада греховнаго. Аще ли³⁰⁶ будеть мнихъ епископъмъ, подобаетъ ему снимати манатку, егда с полицею служить: един бо³⁰⁷ ефу[л. 611 об.]д, а не два и Арон и Христос прия; не мочно бо при службѣ, с Адамъмъ равно, на плещю носити вѣтхаго закона; не могоша бо възнести лежащаго, нѣ акы на послушество³⁰⁸ долѣ зачтена³⁰⁹ имети. Тако же и³¹⁰ игуменом, с полицею служащим, сънимати манотку³¹¹ с плечю. [Подобаетъ же³¹² и болшим и меншим игуменом³¹³ с полицею служить и не просити того у епископа; то бо есть чернью,³¹⁴ епискупу³¹⁵ чюже, а игуменом свое: на плотнѣй бо чистотѣ [л. 282] держитъся ефуд, а не по власти сана. А и³¹⁶ самъ вѣси,³¹⁷ иже³¹⁸ не епископъ всѣмъ чернцемъ³¹⁹ малую манатку³²⁰ възлагаетъ на плещи].

[О агельстѣм образѣ мнишьстѣм указъ.

[л. 15] И о семъ убо подобаетъ ти сказати, почесому аггельскый образъ носяще нарицаются мниси. Аще бо и вси вѣдятъ о семъ, но азъ младыхъ ради и неразумныхъ написаю.

Не небесныхъ аггелъ се естъ образъ, ни бесплотныхъ существо; они бо свѣтообразни, существомъ невидими, не имущи мѣры качеству; но земныхъ аггелъ, сирѣчь преподобныхъ мужъ законодавецъ, иже в ветсѣмъ и новѣмъ законѣ в телеснѣй чистотѣ богоугодно послужиша;³²¹ таковии бо челоуѣци аггели нарицаются.

Слыши Давыда глаголюща: Персти мои съставиша псалтырь. И кто възвѣститъ господеву моему? — Той самъ слышитъ. И тѣмъ посла аггела своего, и поятъ мя от овецъ отца моего и помаза мя милостию помазания своего. Не мни — с небесе посла, нѣ Самоила, помазавшаго³²² и, аггела нарицаеть. Тако же и Павелъ пиша къ евреемъ глаголетъ: Аще глаголанно [л. 15 об.] аггелы слово быстъ извѣстно.³²³ И тѣмъ пророки и законодавци аггелы намѣнуеть, — яко же и Стефанъ къ фарисѣомъ глаголаше, иже примже законоповелѣнниа аггельска и не съхранисте; се Моисея нарицаеть, его же закона не съхраниша жидове. И пакы Павелъ сушимъ в новѣмъ законѣ глаголетъ: Должна естъ жена молящихся в църкви имѣти покровъ на главѣ аггелъ дѣля. Види, яко священники по чистотѣ живущаа телеснѣ, бес порока служащая богу в ветсѣмъ и новѣмъ законѣ аггелы бо книги нарицають.

Се же и ты, о иноче, изволил еси аггельское священное и чистое житие. Да не держи его словомъ точию, но и добродѣтелию украси е. Вѣтхаго бо закона весъ Ааронъ образъ священныхъ ризъ на собѣ носиши, Адамова пре-

297 оцтомъ Т. 298 мниху Т. 299 Доб. о Т. 300 Нетъ ЧТ. 301 Доб. Адама Т.
 302 възнесе; доб. Рѣшение слову Т. 303 возмогаша Т. 304 Доб. бо Т. 305 Нетъ Т.
 306 Нетъ Т. 307 убо Ч. 308-309 дѣлѣ зачтена Т. 310 Нетъ Т. 311 переманъ Т.
 312-313 и малу и велику игумену Т. 314 мниху Т. 315 Доб. же Т. 316-317 сами вѣсте Т.
 318 иже Т. 319 инокомъ Т. 320 манатию Т. 321 пожиша? 322 Поправка Калайдовича
 (Пам., стр. 115); в ркп. показавшаго. 323 См. Евр., II, 2.